

*Imperium ma-
jorum.*

Urbium nomina.

*Flumina.
Mare.*

Portus.

Ratio gubernandi.

Mollosi nullibi gentium prestantiores, ferocioreque. Nusquam gentium major Cornicum multitudo. Magna etiam Milviorum qui pullis insidiantur copia. Romani Britanniae potiori parti quingentos pene annos imperarunt, a C. Caesare scilicet ad tempora usque Theodosii junioris: cujus aetate Romanorum legiones & praesidia ad Galliam defendendam accersita, Britanniam Insulam reliquerunt; quo factum est, ut Picti Scotique partem Australem invaserint; quorum impetum quum diutius sustinere Britanni non possent, vocarunt e Germania Saxones, viros bello adfuetos, quorum opera initio adversus Scotos & Pictos usi sunt. Postea vero Saxones sive Coeli illecebris capti, sive Pictorum amicitia & familiaritate ducti, sive perfidia propria impuls, foedus adversus Britannos cum Pictis iniverunt, domitisque & profligatis hospitibus, ipsi illorum loca invasere. Vnde & pars illa Britanniae Anglia, ut supra vidimus, dicta est. Continet Anglia urbes plurimas, inter quas maxime excellunt, *Londonium*, *Eboracum*, *Cantuaria*, *Bristol*a, *Glocestria* sive *Glovernia*, *Salopia*, *Uigornia*, *Bathonia*, *Cantabrigia*, *Oxonia*, *Nordvicius*, *Zandvicius* cum multis aliis quas in descriptionibus particularibus delineabimus. Flumina illustriora *Tamesis*, *Humbrus*, *Trenta*, *Ousa*, & *Sabrina*, de quibus suis locis. Oceanus autem qui Insulam alluit, omnis generis Piscium copia redundat; inter quos Lucius est, quem *Pike* vernacula lingua appellant, qui apud illos magno in precio habetur; eoque eum interdum ex palustri aqua in vivaria transferunt; ubi nidore illo opido purgatus, anguillis minutisque pisciculis pastus mirandum in modum pinguescit. Ostrea nec alibi delicatiora, nec plura. Portus vero Angliae praecipui sunt hi: *Davernus*, vulgo *Dovre*, qui est Comitatus Cantii extremus, ac colle munitur, arcemque habet tutissimam, omni armatum genere optime instructam: *Mountsbay* satis latus in Cornwallia, ubi tutissima est navium statio. Item *Wollemouth* sive *Falemouth*, *Torbay*, *Southantonensis*, & alii. Angliae Rex supremam potestatem & merum Imperium habet, nec in Imperii clientela est, nec investituram ab alio quovis accipit, nec praeter Deum, superiorem agnoscit. Ejus subditi vel sunt Laici vel Ecclesiastici: Item sunt vel Nobiles vel Plebei. Nobiles sunt vel majores: ut Duces Marchiones, Comites & Barones, qui vel haereditario jure his titulis gaudent, vel iisdem virtutis ergo a Rege exornantur. Ducis autem nomen soli Regis filio natu maximo hoc tempore convenit: quamvis olim plures hoc titulo insigniti fuerint. Nobiles minores sunt Equites Aurati, Armigeri, & qui vulgo Generosi & *Gentlemen*, dicuntur: Generosi, vel promiscue nobiles sunt, qui natalibus clari, aut quos virtus aut fortuna a facie hominum extulit. *Cives* sive *Burgesses* qui in sua quilibet urbe publicis funguntur muneribus & in Parliamentariis Angliae Comitibus locum habent: *Ingenus* sive *Yeomen*, sunt, quos Legales homines lex vocat, & ex agris, quos optimo jure tenent, quadraginta ad minimum solidos quotannis colligunt: *Opifices* autem sunt qui mercede operam locant. Dividitur autem tota Anglia in Comitatus XXXIX. Comitatus vero in Centurias (quae in nonnullis regni partibus *Wapentaches* a tractu armorum nominantur) & in decurias dividuntur. In his Comitatibus, difficilioribus temporibus, *Praefectus Regius*, quem *Lieutenant* vocant, ne quid detrimenti Respublica capiat, constituitur. Singulis vero annis nobilis aliquis ex Incolis praeficitur, quem *Vicecomitem*, quasi vicarium Comitis & Anglice *Shiriffe*, id est Comitatus Praepositum vocant: quietiam Comitatus vel Provincia